

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE**

Gradonačelnik

Broj: 01/2-04-89-591 /22

Živinice, 19.04.2022. godine

Na osnovu člana 38. Statuta Grada Živinice („Službeni glasnik Grada Živinice“, broj: 5/19 i 9/21), člana 14. stava 3. Odluke o stipendiranju učenika srednjih škola i studenata dodiplomskog studija (Broj: 01/2-04-89-435/2022 od 25.03.2022.godine) koje se dodjeljuju iz Budžeta grada Živinice, Gradonačelnik raspisuje

***Javni poziv
za dodjelu stipendija redovnim studentima dodiplomskog studija
za akademsku 2021/22 godinu***

Član 1.

Predmet Javnog poziva je dodjela stipendija za akademsku 2021/22 godinu iz Budžeta Grada Živinice za redovne studente dodiplomskog studija, sa područja Grada Živinice, koji ne primaju stipendiju, kredit ili drugu novčanu nagradu za školovanje od drugog davaoca, te studenti koji su u tekućoj godini prvi put upisali godinu studija, za koju se dodjeljuje stipendija.

Pravo na dodjelu stipendije nemaju studenti koji imaju status studenta - apsoluta.

Član 2.

U akademskoj **2021/22** godini dodijelit će se 60 (šezdeset) stipendija studentima dodiplomskog studija ili 60% od ukupno raspoloživih sredstava u Budžetu Grada Živinice za 2022.godinu, za ove namjene.

Stipendije se dodjeljuju studentima dodiplomskog studija u mjesečnom iznosu od 100,00 KM, odnosno 1000,00KM za navedenu akademsku godinu.

Član 3.

Uslovi za dodjelu stipendija studentima su:

- da imaju mjesto prebivališta na području grada Živinice;
- da imaju status redovnog studenta i da su u tekućoj akademskoj godini prvi put upisali godinu studija za koju se dodjeljuje stipendija;
- da ne prima stipendiju, kredit ili drugu novčanu nagradu za školovanje od drugog davaoca.

Član 4.

Lista dobitnika stipendija za studente koji ispunjavaju uslove iz člana 3. Javnog Poziva a koji su definisani članom 9., 10. i 11 Odluke o stipendiranju učenika srednjih škola i studenata dodiplomskog studija utvrđuje se na osnovu slijedećih kriterija:

1. Učenik generacije;

2. Uspjeh u učenju od I-IV razreda srednje škole za studente prve godine dodiplomskog studija, za studente druge i ostalih godina uvjerenje sa utvrđenim prosjekom ocjena za prethodnu godinu studija;
3. Materijalni položaj;
4. Socijalni položaj.

Učenici generacije srednjih škola, koji za ostvarivanje prava na stipendiju konkurišu kao studenti prve godine studija, a koji imaju prebivalište u Gradu Živinice, uvrštavaju se na Rang listu studenata, bez bodovanja kao prvorangirani po abecednom redu ukoliko ih ima više, uz napomenu da se na Rang listu uvrštavaju kao učenici generacije.

Član 5.

Podnosioci prijava na Javni poziv dužni su dostaviti slijedeću obaveznu dokumentaciju:

1. Prijavu na Javni poziv za dodjelu stipendija u akademskoj 2021/22 godini popunjena i potpisana od strane podnosioca prijave - (***Prilog br. 1.***);
2. CIPS obrazac (MUP TK, Odjeljenje za administraciju Živinice) - original ili ovjerena kopija;
3. Uvjerenje da je redovan student i da je prvi put upisao godinu studija (Ustanova visokog obrazovanja) - original ili ovjerena kopija;
4. Izjava podnosioca prijave da ne prima stipendiju, kredit ili neku drugu novčanu nakandu za školovanje - potpisana i ovjerena kod nadležne gradske službe ili notara - (***Prilog br. 2.***);
5. Izjava o visini dodatnih prihoda punoljetnih članova domaćinstava koji su navedeni na kućnoj listi, za čije dodatne prihode nije moguće obezbjediti pismene dokaze ovjerena kod nadležne gradske službe ili notara - (***Prilog br. 3.***).

Napomena: Učenici generacije ne dostavljaju izjavu pod tačkom 5.

Ukoliko podnosilac prijave za dodjelu stipendije po kriterijima “uspjeh u učenju” i “materijalni položaj” ne dostavi potrebnu dokumentaciju tražnu Javnim pozivom kojom se dokazuje prosječna ocjena i prihodi po članu užeg domaćinstva, takve prijave će se odbaciti kao nepotpune, a za nedostavljanje dokumentacije po kriteriju “socijalni položaj” kojom se dokazuje pripadnosti odgovarajućoj kategoriji stanovništva, podnosiocu prijave za dodjelu stipendije neće se dodjeljivati bodovi.

Član 6.

Za ispunjavanje uslova iz člana 4. Javnog poziva potrebno je priložiti:

1. za kriterij “**učenik generacije**”
- Studenti prve godine dodiplomskog studija priložiti diplomu “Učenik generacije” - ovjerena kopija;
2. za kriterij “**uspjeh u učenju**” priložiti:
- Studenti prve godine dodiplomskog studija prilažu svjedočanstva o završenim razredima srednje škole od (I-IV) - ovjerene kopije;
- Studeti druge i ostalih godina studija prilažu uvjerenje sa utvrđenim prosjekom ocjena u prethodnoj završenoj studijskoj godini (Ustanova visokog obrazovanja) - original ili ovjerena kopija;
3. za kriterij “**materijalni položaj**” priložiti:
- Kućna lista kandidata na kojoj su navedeni svi članovi porodičnog domaćinstva (*Članom užeg porodičnog domaćinstva podrazumijeva se bračni partner, očuh, maćeha, usvojitelj, usvojenik, djeca, roditelji, braća i sestre ako sa studentom žive u zajedničkom domaćinstvu*) - Nadležna gradska služba, original;

- Uvjerenje o redovnom školovanju/studiranju za sve članove porodičnog domaćinstva, navedene na kućnoj listi, koji se nalaze na redovnom školovanju/studiranju (Ustanova visokog, srednjeg i osnovnog obrazovanja) - original ili ovjerena kopija;

- Dokaz o zaposlenju i visini stalnih prihoda za sve punoljetne članove porodičnog domaćinstva (Poslodavac kod kojeg je zaposlen, PIO/MIO, Porezna uprava FBiH) - original ili ovjerena kopija:

a) tri posljednje platne liste ovjerene potpisom i pečatom poslodavca ili uvjerenje poslodavca o visini posljednje tri mjesečne plate - original ili ovjerena kopija;

b) ček od PIO posljednje penzije - ovjerena kopija;

c) za lica koja imaju registrovanu samostalnu djelatnost obrazac 2002 o plaćenim doprinosima za posljednja tri mjeseca - original ili ovjerena kopija;

- Uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti (Služba za zapošljavanje ili Porezna uprava FBiH, Porezna ispostava Živinice) - original ili ovjerena kopija;

- Dokaz o dodatnim prihodima punoljetnih članova domaćinstva (prihodi po propisima o boračko-invalidskoj zaštiti, prihodi po propisima o zaštiti civilnih žrtava rata, stalna novčana pomoć, socijalna pomoć, naknada za njegu i pomoć drugog lica, prihodi od dopunske djelatnosti odnosno dopuskog rada, prihodi od izdavanja zemljišta, stambenog ili poslovnog prostora u zakup, prihodi po osnovu članstva u skupštini, upravnom ili nadzornom odboru ustanove ili preduzeća, drugi dodatni prihodi, ugovori i slično) - Pravni subjekti u kojima su angažovani punoljetni članovi domaćinstva, JU "Centar za socijalni rad" Živinice, Nadležna gradska služba ili notar, original ili ovjerena kopija;

4. za kriterij "**socijalni položaj**" priložiti:

- za studenta člana porodice šehida ili poginulih boraca i ratnih vojnih invalida kopija prvostepenog ili revizionog rješenja - posljednje rješenje na snazi (Gradska služba za boračko - invalidsku zaštitu) - original ili ovjerena kopija,

- za demobilisane borce i dijete demobilisanog borca dokaz o pripadnosti branilačkoj populaciji koji izdaje nadležni organ odbrane (Federalno ministarstvo za pitanja boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze) - original ili ovjerena kopija;

Podnosioci prijave za dodjelu stipendija iz porodice branilaca, ostvaruju prioritet u stipendiranju na naprijed navedeni način, ukoliko je student član porodice branioca, koji je u sastavu oružanih snaga (Armija RBiH, Hrvatskog vijeća odbrane i policije nadležnog organa unutrašnjih poslova) proveo najmanje 12 mjeseci, u periodu od 18.09.1991.-22.04.1996. godine.

- za civilne žrtve rata ili djecu bez roditeljskog staranja dokaz o statusu civilne žrtve rata (JU "Centar za socijalni rad") - original ili ovjerena kopija.

Član 7.

Kod ostvarenog istog broja bodova na rang listi studenata prednost se ostvaruje po slijedećem redoslijedu:

-student iz porodice šehida ili poginulog borca,

-student iz porodice RVI sa većim procentom invalidnosti,

-student iz porodice nazaposlenih demobilisanih boraca Armije BiH, HVO i MUP-a,

-student iz porodice zaposlenih demobilisanih boraca Armije BiH, HVO i MUP-a,

-student bez roditeljskog staranja,

-student dijete civilne žrtve rata,

- bolja prosječna ocjena izračunata po kriteriju "uspeh u učenju" zaokružen na dvije decimale,

- manji prihodi po članu užeg porodičnog domaćinstva zaokružen na dvije decimale - materijalni položaj.

Član 8.

Gradonačelnik zadržava pravo da u svako vrijeme poništi Javni poziv, ako procjeni da za to postoje opravdani razlozi.

Član 9.

Javni Poziv ostaje otvoren 15 dana od dana objavljivanja na Web stranici grada Živinice. Prijava na Javni poziv sa potrebnom dokumentacijom se podnosi u zatvorenoj koverti preporučeno putem pošte na adresu:
Grad Živinice, ul. "Alije Izetbegovića" br.28 ili na pisarnicu Gradske uprave sa naznakom "**Prijava na Javni poziv za dodjelu stipendija studentima za akademsku 2021/22 godinu**".

Obrazac prijave na Javni poziv, obrazac Izjave da student ne prima stipendiju, kredit ili neku drugu novčanu naknadu za školovanje od drugog davaoca i obrazac Izjave o visini dodatnih prihoda punoljetnih članova domaćinstva koji se navedeni na kućnoj listi može se preuzeti na Info pultu u Centru za pružanje usluga građanima/šalter sali ili na Web stranici Grada Živinice.

Studenti su dužni uz prijavu na Javni poziv dostaviti i kopiju ličnog tekućeg računa na koji će se uplatiti finansijska sredstva, ukoliko budu dobitnici stipendija.

Svi dokumenti koji se prilažu na Javni poziv moraju biti originali ili ovjerene kopije.

Dostavljena dokumentacija po Javnom pozivu se neće vraćati.

Studenti su prilikom prijave na Javni poziv obavezni koristiti obrasce koji su navedeni u Javnom pozivu i iste svojeručno popuniti i potpisati.

Nepotpune i neblagovremene prijave neće se uzeti u razmatranje.

Dostavljeno:

1. Oglasna tabla Grada Živinice,
2. Web stranica grada Živinice,
3. TV Živinice,
4. a/a.

Gradonačelnik

doc.dr.sc.Samir Kamenjaković